

SERMERSOOQ

SIUMUT INGERLASOQ



 KOMMUNIMUT QINERSINEQ 2025





SIUMUT INGERLAQQISSAAGUT

Nunarput ukiuni sisamani tulliuuttuni politikikkut aqutsisussanik qinersisussanngorpoq. Qinersinerup inernera apeqqutaalluni tamatta siunissarput titartarneqartussaavoq. Una saqqummersitaq atorlugu, sunik pingaartitaqarluni anguniagaqarlunilu Siumut inissisimanersoq atuarsinnaavat. Siumut ineriartornissarput atugarissaarnerulernissarpullu pillugit pisarnermisut Inuiaat Kalaallit salliutillugit sulinerminik nangitsissaaq.

Quppersakkami Siumup tunngaviusumik pingaartitai suunersut paasissavatit, taakkulu tunngavigalugit atukkatigut naligiinnerulernissamik, kulturitta pingaartinneranut, inuiaqatigiittut ineriartoqqinnissatsinnut namminiussuseqarnitsinnullu Siumut suliaminik nangitsilersoq paasissavat.

Nunarsuaq allanngorartoq ilisimaaralugu inuiaqatigiittut ataatsimoorluta aqut tigummissavarput. Siumut tassaajuassaaq inuiaqatigiinnik nukitunerulersitsisoq aamma kalaallit tamatta periarfissaqarluarnissatsinnik siuarsaajuartoq.

Kommunimut qinersineq tassaanaangilaq politikikkut siuttussanik toqqaaneq; assinganik pingaartigaaq inuiattut ataasiussuseqarnitsinnik pingaartitsillunilu takutitsinissaq aamma takorluukkatsinnik piviusunngortitsissalluni piginnaaneqarneq. Kajumissaarpatsigit peqataaqqullutit, anguniakkallu ilusilersueqataaffigalugit.

Tamatta pineqarpugut, aamma illit. Ataatsimut SIUMUT ingerlasa, aalajangeriataallaqqissuseqarluta erseqqissunillu anguniagaqarluta.

Ukiuni tulliuuttuni suliniutiginiakkavut tamaasa uani inissaqartinngilagut. Taamaattumik qineqqusaartut ataasiakkaat qineqqusaarutaat ilanngullugit maluginiarigit. Suut allat sulissutiginiarnerivut pillugit qaqugukkulluunniit attaveqarsinnaavutit, una atorlugu: dmmf@sermersooq.gl.

Dorthe-Marie Mogensen-Fontain

Siulittaasoq

Ataatsimut Siulersuisut, Sermersooq



KOMMUNERPUT INNUTTAASUT QITIUTILLUGIT INERIARTOQQILISSAAQ

Siumup sulissutigissavaa, inoqarfinni tamani inuit ornittagaat atorluarlugit peqatigiinnermik ikorfartueqataaneq, soorlu **timersornermik ingerlatsisut, peqatigiiffilerisut, pilersitsisartut, kulturilerisut, eqqumiitsuliortut, nipilersortartut** allallu inooqatigiinnitsinnut nukittorsaasut erseqqissumik tapersorsornerisigut.

Meerartavut inuusuttavullu tamaviisa siuariartoqqullugit pilersaaruteqarfigissavagut. Innuttaasut tamatta pisussaaffigaarput inoqatitta peqqinnartumik inuunissaannut aqqutissiuusseqataassalluta. **Tamatta, minnerunngitsumillu ilaqtariit, meeqqat aamma inuusuttut kommunitsinni periarfissaqarluarnissaat salliutinneqassaaq** aamma meeqqueriviit akitigut nalimmassarneqassapput.

Inissiat amigaataanerat qaangerneqassaaq aamma Nuummi najugalippassuit toqqissisimaffiusumik inissaqassapput. Tamatta najugassaqarnissarput SIUMUT ingerlanissatsinnut pingaaruteqarpoq. Minnerunngitsumik **meeqqueriviit naamattut angajoqqaanut** periarfissiissutiginnissaat pingaaruteqartuuvoq ilanngullugu naammassineqartussaq.

Meeqqat unnuakkut aniiginnalertartut arlaqarput, taakkulu toqqissimanartumik orniguffissaqassapput. Aamma meeqqat angerlarsimaffiup avataanut inissinneqartartut ikilisarneqassapput. **Siumup sulissutigissavaa ilaqtariit suleqatigalugit** ataatsimoorluni ikiorserneqarfiusinnaasumik sakkussanillu aallerfiusinnaasunik pilersitsinissaq. Siumup pingaartitaraa ilaqtariit nukittuut peqqissullu ikorfartussallugit.

Atuarfinni naammassisut ingerlaqqittarnissaminnut aqqutissiuunneqarnerat pitsaanerulersinneqassaaq. **Meeraq ataaserluunniit saaffissaqarani unissanngilaq**, taamaattumillu ilinnialernissaanut praktikerfissaqarnissaanullu kommuni suleqataasaaq.

Aqquserngit pisuinnarnut sikkilertunullu atoruminarsarneqassapput aamma biilit tattoqittut aqquserngit ineriartortinnerisigut iluarsiiqqineqassapput.


Illit uangalu najugarput

Kommuni tamatsinnut siuariartorfiusoq

Kommunerput ineriartoqqissaaq, tamatumani suliffeqarfiit amerlanerusut pisariaqartinneqarput aamma **aalisarneq ullumikkornit annertunerusumik ineriartortinneqarsinnaasoq** Siumup qularutiginnilaa. Politikikkut siuttut inuussutissarsiortut suleqatigalugit erseqqissumik anguniagaqarlutik siuarsaaqataassapput.

Nuummi aalisartut piniartullu maannakkornit annerusumik **qinikkanit sullinneqassapput.** Tamanna aalisarneq piniarnerlu pillugit ineriartortitseqataasussanik kommunimi ataatsimiititaliortoqarneratigut piviusunngortinneqassaaq.

Talittarfiit pillugit pilersaarusiortoqassaaq, pingaartumik aalisartut piniartullu toqqissisimanartumik tulaassiveqarnissaat aaqqissuunneqassaaq.



Najugarisaq atoruminartoq pilersikkumallugu suliassaqaqaagut...

1. **Ilinniartut nuummiut** soorunami aamma kollegieqassapput. Kalaaleqatitik allat assigalugit namminiilernissaminnut aqutissiuunneqassapput.
2. **Isumaginninnikkut inerisaavik** aallartinneqassaaq, tassani innuttaasut suleqatigalugit paaqqinnittarfiit, utoqqaat illui assigisaallu ukkatarineqassapput, soorlu apeqqutit makku pillugu: atuisut kiffartuunneqarnerat, inuunikkut ikiortariallit iliuuseqarfiginissaat, sulisoqarneq, pikkorissaaneq, ineriartortitsineq aamma iserfigiuminarneq.
3. **Ilaqutariinnut politiki** ersarissaq kommunip ineriartortissavaa. Assersuutigalugu ilinniarsimallutik tikittut atugassaqarluarnissaat, inuit atugarissaarnissaat il. il. siuarsarlugit.
4. **Nunaminertanik atuinissamut** pilersaarusiorneq innuttaasunut atoruminartumik aaqqissuunneqassaaq aamma namminerisamik illuliorniat salliutinneqassapput.
5. **Takornariaqarneq** nunaqartut malinnaatillugit ineriartortinneqassaaq, aamma Airbnb erseqqissumik politikeqarfigineratigut.
6. **Utoqqaat** pisinnaasut inissialiuunneqassapput.

SERMERSUUMMI SIUMUP QINEQQUSAARTITAI PIUKKUNNARLUARTUT UKUUPPUT



Ane Berthelsen



Ane Egede
Mathæussen



Angutimmarik Hansen



Birgithe Heinrich



Doris J. Jensen



Dorthe-Marie
Mogensen Fontain



Egon Poulsen



Elise Uupi Kûtse



Gudmundur
Thorsteinsson



Jonathan Rasmussen



Kim Kielsen



Laura Tãunajik



Lund Kúko



Mala Høy Kúko



Martha Abelsen



Niels Ole Utuaq



Nikoline Ziemer



Odin Maratse



Peter Davidsen



Storm Ludvigsen



Thomas Mikaelson

Immikkut tapersersugassagut iliuuseqarfigissavagut

Ilanniarsimasut amerlanerpaat pisariaqartinneqarput tamannalu inuiaqatigiittut soqutigisatta annersaasa ilagaat. Taamaammatt Nuummi ilinniartut tamarmik ukiumut 6.000 kroninik tapisiaqartinneqassapput, qanoq atorniarnarlugit namminneq aalajangersagassaanik.

Meerartatsinnik suliaqartut, soorlu perorsaasut, suliffimmini aalajaatsooqqullugit oqaatsitsinnillu atuisinnaasut salluteqqullugit suliinnarnissaanut immikkut ajunngitsorsiassaqaartinneqassapput aamma ukiut tamaasa feeriarnermittut atatillugu angalasinnaangortinneqassapput.

Peqataatitsilernissamut inatsit kommunitisinni atorneqalissaaq, oqaatsitsinnillu ilinniartut ajunngitsorsiassaqaartinneqassapput.

Tamarmik siunissamut aningaasaliinerupput.



PILERSIKKUMALLUGIT...

SIUMUP TUNNGAVIUSUMIK PINGAARTITAI QULIT

Siumup tunngaviusumik pingaartitalugit siunertai qulit tassaapput ulluinnarni anguniakkat saniatigut allanngujaallutik Siumup toqqammaviguarsimasai. Siumup anguniagai tamakkiissut uani nanineqarsinnaapput:

<https://siumut.gl/anguniakkavut/>



Tatiginartumik ingerlatsineq

Tatiginartumik, unneqqarissumik inatsisillu atuuttut naapertorlugit ingerlatsineq kommunitisinnut utertinneqassaaq

Kommunitta ukiuni kingullerni inatsisaatsuliorsimanera akuersaarneqarsinnaanngitsoq naqissuserneqassaaq, pisimasorlu uteqqinneqassanngimmat malitassatigut inatsisitigullu sukatertariaqartut inissisiterneqassapput. Kikkunnulluunniit eqqunngitsumik pissuseqarluni innuttaasut sinnerlugit isumaqatigiissusiortoqarsimappat, tamakku atorunnaarsinneqassapput.

Kommunitisinni tamatta susassareqatigiinnerput nukittorsarneqassaaq aamma kommunitisinni najugaqarneq tamatta akissaqartillugu inuusaagut. Kommunitisinni inooqatigiissalluta aalajangersimavugut. SIUMUT isumaqarpoq, sulisartut atugaat aamma ilanngullugit pitsanngorsarneqassasut, kommunip susassaqarfiani akissaatitigut il.il. pitsanngorsaanikkut.

Inoqarfiit ilaanni sulisussaqaarniarnikkut allanit ajornartorsionerusoqarpoq. Assersuutigalugu nunaqarfinni aamma Tasiilami sulinissaq soqutiginarsarneqassaaq. Ilanngullugu Tasiilami efterskole piviusunngortinniarneqassaaq.

Kommunit aggulunneqarsimanerat innuttaasut aalajangissavaat, Siumullu tamanna ataqqillugu sulissaaq. Qinerseriaatsimut tunngatillugu sumiiffinniit sinniisuutitaqarnissaq pingaaruteqarpoq, tamannalu qularnaarniarlugu SIUMUT sulissaaq, nuna tamakkerlugu inatsisiliortut suleqatigalugit.

Qinigaaffimmi aggersumi Ittoqqortoormiini siorartikkamik mittarfiliornissaq sulissutigineqassaaq. Sumiiffimmi mittarfiliornissaq imminut akilersinnaasutut naqissuserneqareernikuvoq.

Nummi pissakinnerusutut inuusut atugarisaarnerulernissaat qulakkeerniarlugu qinikkanit iliuuseqarfigineqassapput, inuuniarnikkut oqilisaassunnissaat aqqtissiuunneqassalluni.

Ullut 14-it pisartagaqartinneqartut inuusutigisinnaasaanik pisartagaqalissapput.



Sumiiffiit aallaavigalugit sulissaagut



Peqqinneq timersornerlu

Peqqissumik inuuneqarnissaq timalersorneqassaaq. Timersornikkut katersuuffiit ineriartortinneqassapput. Tarnikkut peqqissuunissap qitiutillugu ingerlatsisoqassaaq, aamma pitsaaliuinnermut siunnersortit sumiiffinni pilersinneqaaqqinnissaat piviusunngortinneqassaaq.

Inissiat

Inissiat nutaat, ullutsinnut naleqquttut, pilersitsiortorneqartariaqarput. Inuusuttunut inissiat ullutsinnut naleqquttut nunaqarfiit ilanngullugit ineriartortinneqartariaqarput.

Meeqqat atuarfiat

Meeqqat atuarfianni sumiiffinni ilinniaritsisussaaleqineq akiorneqassaaq, nunatsinni isorliunerusuni sulinissaq pilerinarnersinneratigut aamma taakkununga inissiat pitsaasut pilersinneqassapput.

Inuusutissarsiorneq

Inuusutissarsiornekkut aallarnisaanermik siunnersuineq nunaqarfinni ersarinnerulernissaa sulissutigineqassaaq. Nunaqarfiit takornariaqarnikkut aamma inuusutissarsiornekkut siuarsaneq ingerlanneqassaaq.

Piniartut

Piniarnikkut aallaaniarnikkullu Nunatta Kangiani ileqqutoqqat aallaavigalugit ileqqoreqqusalioritoqassaaq, soorlu saaqqutit atorlugit piniariaatsit pillugit piniariartarfinnillu nutaamik killeqarfilersuinikkut.

Inuusuttut

Meeqqat inuusuttuaqqallu ulluinnarni inuuniarnikkut unammillernartumik inissisimaffeqartut annertuumik suliniarfigineqarnissaat aallunneqassaaq aamma unnuisarfiit toqqissisimanartut pilersinneqassapput.

Utoqqaat

Utoqqaat illui ullutsinni naleqquttut pilersinneqarnissaat pisariaqarpoq, aamma utoqqaat pisinnaanerusut illui.

Sianiutimikkut inuit ikiorneqarnissaminnik pisariaqartitsisut utoqqaat illuinut inissinneqaratik allatut aaqqiivigineqassapput.

